

綠筠書屋詩鈔

閻詩自唐周朴江爲黃滔翁承贊數君子紹開其先歟
後鄭文寶楊大年嚴儀卿劉後村繼之而唐泰聯十才
子之社鄭繼之傅汝舟曹能始謝在杭徐惟和之流莫
不炳耀藝林張弛壇坵蓋稟武夷九仙之靈螺渚鰲江
之秀使然也翰林侍讀葉毅庵先生三十年詞林老輩
文聲籍甚著綠筠書屋詩鈔若干卷含咀英華出入風
雅爲後賢楷式宋景濂曰俊逸之人其詩藻而麗嚴莊
溫雅之人其詩自然從容而超乎物象之表先生有焉
予於四始六義之學稍涉涯涘登山臨水詠物懷人間
有所作而苦問津之無從竊見當世以詩人自命者率

多東向而立不見西牆逞其矜心盛氣睥睨一時後生
小子畏其唇鋒目炬弗敢與爭究之身死名滅著作滿
家只供人覆醬之用夫以北地歷下之威不能劫天下
後世尙論之勇况其腐餘尸積誠何足道先生虛懷若
谷凡密咏恬吟隱然皆適於道歷唐宋之精華寫天真
之情性足以抗跡前賢津梁後學而閩中操觚之士奉
爲圭臬又其次焉者也爰書傾倒之言以奉教云乾隆
庚子秋仲同館後學年侍鉛山蔣士銓拜撰

綠筠書屋詩鈔總目

卷一

臺江集古今體詩七十九首

卷二

瀛洲集古今體詩三十六首

卷三

滇南集古今體詩四十五首

卷四

瀛洲二集古今體詩四十七首

卷五

綠筠書屋詩鈔

總目

嶺右集古今體詩八十二首

卷六

垂橐集古今體詩三十六首

卷七

瀛洲三集上古今體詩一百四首

卷八

瀛洲三集下古今體詩七十首

卷九

循陔集上古今體詩四十四首

卷十

循陔集下古今體詩一百三十七首

卷十一

炳燭集古今體詩一百一首

卷十二

瀛洲後集古今體詩八十二首

卷十三

得槐軒集古今體詩三十一首

卷十四

蜀道集古今體詩二十六首

卷十五

江左集古今體詩二十八首

卷十六

得槐軒後集古今體詩五十三首

卷十七

人扶集上古今體詩六十九首

卷十八

人扶集下古今體詩二十首

擇珉玉勿事區籬藩

國風微而婉二雅喬以皇體裁固自殊難可尺寸量聖
人均手錄圭臬存篇章奈何談詩家所見拘隅方上乘
貴妙悟科律嚴且詳使事犯指戒太盡來謗傷偶然涉
議論嫌與性情妨嚶吟敲細響窅默搜枯腸於風或有
取雅材嗟已亡

嚶嚶樹底禽下上求其偶維彼蕙與蘭結根同一畝古
人重麗澤講習仗朋友退之一代人郊籍契最厚秦晁
淮海彥並爲蘇門有匪欲借光華實賴刮瑕垢雲龍逐
上下苻菜芼左右吁嗟後世賢此道缺已久

讀書期致用修綆成經綸勲名垂汗竹膏澤被蒸民應
嗤佔畢生老做舌與脣人事難可齊聖賢有屈伸用之
爲國幹不用爲席珍萬卷擬百城亦足娛其身

富貴固有命名聲亦在天舊聞惠之畫不亞道子妍無
聊託塑作三舍避先鞭虞褚書蹟工高岑詩句傳當時
同舍生詎必皆差懸諸公同儔日餘子隨飛煙等之不
龜手得封亦偶然

宋人貨章甫所齋非所收毛嫵絕世姿魚鳥避如瞽君
看海畔夫逐臭不轉頭瘡痂或見嗜土炭堪爲饒好惡
各有族難可物理求

時過然後學勤苦功難成待求炳燭光何如初日明賈
終俱年少名譽動公卿白蘇未四十龍鍾先自驚下帷
有董相鑿壁聞匡衡搥鞭策蹇駑可致千里程作詩用
自勗臆外來秋聲

秋日登九仙山

策策疎林捲緒風寥寥輕靄度新鴻抱城遠碧雙江曲
臥地層陰一埵雄丹井草荒仙馭杳石樽苔澀霸圖空
書生元有經綸手平遠臺邊紀戰功

建溪

周官載七閩川浸圖莫考無諸始立國草昧在天造建

州置唐祖

武德四年
置建州

出沒半山猿不知溪嶺閒厥初誰

通道夏后跡不經道元注未討恐煩五丁椎或假巨靈

爪竊怪開闢年疏鑿殊草草我行買江艇空濶得日早

迢迢沂沙瀨歷歷度雲堡忽驚前路斷破碎衆山倒嶢

齧相枕柱抨擊肆排亦雷霆抉地軸冰雪耀晴昊自省

血肉身何由逐飛鳥麤陳所見狀醜縷恐難了毒若懸

壁墜仄似幽術窈雄疑虎豹蹲奮想鵬鵠矯圓者困廩

堆銳者刀槍慄俛者兕飲淵跂者馬騰阜其品備甲乙

其色雜青縹顛頽杞面颯巖嶮檜情狡離離斷又續脊

脊負還抱上有名魂鶴叫嘯坐木杪下有垂涎蛟擇肉

待一飽儻然一髮差敢望千金保卻疑灑頤坦翻覺呂
梁好區區十八灘比並愧巫小偉哉造化力搏弄爲此
巧得非補天餘拋擲付溪潦吾欲罪真宰刻刻失蕩浩
安得海神鞭遣去守瀛島平流漾溼銀淨淥映寒藻挂
席凌長風灑錢看三老

錢塘懷古二首

割據功存十四州英雄千載說婆留開門不失純臣節
納土終成保世謀玉帶繡袍歸寂寞錦溪石鏡自春秋
猶餘零落金塗塢付與人閒好事收

錢武肅金塗塢事見宋人周文璞詩

及國朝朱竹垞文集

泥馬南馳王氣開，鳳山宮闕鬱崔嵬。
襄樊已失移都策，汴洛猶望御輦回。
他日諸陵無麥飯，當年葛嶺有歌臺。
自從江上元軍退，依舊湖頭蚤晚來。

姑蘇臺歌

會稽宮裏門填土

越王句踐山宮反闔其門填之以土事詳吳越春秋

姑蘇臺上

縱歌舞瑤梯玉城切，浮雲南瞰具區北。
齊楚臨臺妙伎三千人，繡幄珠簾翡翠裊。
就中第一苧蘿女，玉膚花貌雙睂聳。
君王獵罷初回輦，伐鼓撞鐘趣高宴。
雕盤行炙太湖鱗，翠袖翻歌石城選。
銅漏沈沈日易曛，更燒蘭燭照行雲。
東海役臣起爲壽，千秋萬歲奉吾君子胥歎息。

伯嚭笑人生行樂計良要誰言黑犬夢爲妖况有水犀
軍可調朝歡暮娛難具題羅綺塲中性易迷豈意六千
君子至臺前咫尺越來溪

渡楊子江

曉渡風烏靜依微辨竹西潮連瓜步澗樹隔蒜山齊溟
渤朝宗近岷峨出峽低半帆浮玉路翹首阻攀躋

維揚舟次雜咏八首

鎮淮門畔候新潮隔岸朱樓瞰畫橋此是二分明月地
何人爲客一吹簫

歸雁臨江

皆隋官名

近若何垂楊螢火總無多于今祇有邗

溝路仍借當時板渚波

一坏香土舊埋花生日盈盈勝若耶正是清明時節到
掛錢誰向玉鈎斜

平山欄檻接琳宮過客猶能說醉翁欲問堂前舊楊柳
春來幾樹綠搖風

蕃釐觀裏月輪斜尙憶無雙樹影加草木何關興廢事

漫勞遊客記瓊花

宋杜游有瓊花記

逐客淮南竟不還草堂遺構傍江灣一從白壁爲瑕後
四海何人救對山

南朝舊事笑沙蟲景倩無慚宋室忠

謂史閣部

見說梅花春

嶺上年年寒食鳥呼風

珍亭翠館鬪崢嶸豪竹哀絲夾岍清若遣野人題月旦

爭春應不及秋聲

爭春秋聲皆館名見清異錄及名勝志

高郵晚泊

朝辭帽阜夕盂城遠塢投鴉暝靄生岸樹有風晴亦雨
湖光無月夜還明地傳揚楚諸州脊人憶秦晁一代英

見說神居丹竈在淮南仙侶肯相迎

神居山在州治西

春草和吳解元頡雲鴻八首

艷陽時節轉光風千里平蕪一望同廢館池臺新雨後
近郊邨落曉烟中遙分南浦滄波色細視西園錦樹叢

卻憶年前霜落候亂山遺燒夜深紅

平於蠻毯軟於裯一番東風一番勻茂苑久辭歌舞隊
蕪城曾見綺羅人深時影接簾衣暗淺處痕留屐齒新
莫上高樓望鄉國平原極目易傷神

隨花並柳占春光極望粘天古道長紅雨聚邊藏蛟蝶
綠陰垂處臥牛羊鞭絲自颺行時影裙幄猶餘去後香
爲愛牕前幽意在不教人跡損庭芳

萋萋和雨復和烟破甲都從上巳前長信宮中青覆地
洞庭湖畔碧連天亂抽深湖啼鴛候密布晴沙落雁邊
除是朱門居要路更無餘處不芊眠

幾行酥雨灑天街一色蔥蘢映路槐洞古易迷行藥屐
露濃從溼踏青鞵鞦鞦院靜垂珠箔蹴鞠場平旋玉鬪
若問前朝爭戰地承平年久遍芳荂

晴颺獵獵弄輕柔遠陌斜連古渡頭鸚鵡洲邊才子恨
薜蘿山下美人愁青同袍色年年見綠想裙腰處處留
惆悵王孫消息斷春歸何處騁金騮

半涵陂水半沾泥三月江南一帶齊易長寬閑調馬地
難分詰曲落花蹊鷺拳點點遙汀見燕翅翻翻貼岸低
只恐東陌農事及欲鋤非種踏秧畦

綠臯被谷影婆娑一半無名自作科風日佳時鳴鳩少

池塘深處吠蛙多，暗催詩思聊因汝。亂逐愁心不耐他。
太息玉梅零落盡，連宵寒雨正滂沱。

贈柳卓

湖南人
精篆刻

六書繆篆作印章，方填體格傳仲將。

方填書即填篆後亦用之摹印者

來兼用大小篆，白文朱字隨圓方。誰與好事訂譜史，後
有吾趙前顏姜。鐫摹要得古人意，薤披釵折鸞龍翔。強
將弱腕貌秦漢，豈異質鼎誇周商。柳君骭體南楚秀，屈
蟠蚪蚪羅胸腸。竭來作客長安市，埃塵棲袖看鬚黃。解
讀石經併石鼓，還辨香寮與郭香。有時小試切玉手，及
鋒而用善刀藏。史籀陽冰見項背，桃皮花乳堆琳琅。自

從俗書趨姿媚誰師泰相窺頡皇祈年嶧山久漫漶說
文玉篇墮渺茫賴茲小印猶用古奚翅禮廢還存羊莠
林講此務精好比於球璧在東房丹砂作泥鈐紙尾千
秋鑿別儲篋囊不見元暉古印記昔人珍重誇諸郎

太白酒樓

采石騎鯨竟不還酒樓遺蹟尙人閒平生知己鏡湖客
顛顛同時飯顛山紫闥終難迴白日丹砂那解駐朱顏
太白詩浮雲蔽紫闥白日難迴光又詩吾
將管丹砂又詩笑我晚學仙蹉跎淵朱顏空餘千古詩
名在金薤琳瑯照九寰

惠泉

乳水空中故儼然松風蟹眼客同煎頭綱未共羣公賜
空對人閒第二泉

虎邱

河橋小泊共追涼短簿祠邊趁夕陽黃面紅顏等塵土
生公何必勝真娘

醉歌

有口莫啖於陵李有足莫穿東郭履凍僵餓仆誰復憐
博得虛名作高士君不見秦王宮中舐痔人連騎結軫
何紛綸又不見平康坊裏倚門女翠髻明璫曳金縷褒
衣緩步世所嗤天生傲骨撐寒飢贈袍裹飯古來少焦

先袁安不死亦幾希
嗚呼焦先袁安不死亦幾希

滕王閣

飛閣凌空翠岫平
新秋風物倍晶明
娛遊四美原難再
詞筆三王舊有名
世外煙霞梅福嶺
眼中衡宇灌嬰城
臨觀欲傲袁州守
領略湖山壯此行

過文丞相墓下

在廬陵縣羅紫山

三尺墳埋不朽身
乾坤正氣尙嶙峋
從容柴市成仁日
颯斃真州赴難辰
負骨共多張義士
招魂長勵謝遺民
客帆卮酒無由酌
羅紫山頭草自春

南安道中

地入西江盡山連百粵多雁飛會不到客倦欲如何香
近梅花國清浮竹葉波小村還夜泊燈火翳雲蘿

彭蠡阻風

南昌至星渚只用半帆便胡爲守彭蠡雲月五夕見朝
陰對樹鷺夜宿伴沙雁湖神如有意教熟廬山面

愛蓮池

舊讀愛蓮說今見愛蓮池棟宇雖零落風流尙在茲芳
隣誰許接栗里有東籬

石鐘山

南鐘聲函胡北鐘音清越少讀坡公文佇想觀竒崛客

程幸一見但恨風帆突似看走馬花紅綠狀恍惚又如
過眼雲衣狗須臾沒何由艤絕壁小艇泛明月曾吹與
鐘鞮此景難髣髴再到是何年人生易白髮勝遊非偶
然未暇笑李渤

望匡廬

廬岳知名久江城得飽看影翻彭蠡暗瀑對庾樓寒逸
侶煙霞古仙人洞壑寬便思攜柳栗絕頂躡飛翰

琵琶亭二首

樓上庾公動高興江頭司馬賦愁歌榮枯事異悲懽別
莫笑青衫染淚多

兜律長歸那可求

香山詩海山不是吾歸處歸卽應歸兜律天

荻花猶見古

時秋布帆席帽經年客不聽琵琶也淚流

過鄱陽湖

平明發潯陽未食轉湖口長艘破巨浪捷疾箭穿柳蒼
茫天水接頌洞風濤吼鄱陽與彭蠡異名同一藪康郎
浮水面一寸覆髀詭緬懷元明際逐鹿羣雄走真人起
濠泗高挈掃天帚跋浪蹙長鯨強敵竟授首當時元黃
戰未決雌雄手後人紬往史神略信天授芝山忽在眼
空翠落樽卣卸帆薦福傍暮色恰及酉

八蟲詩同鄭明經慎人

王臣

作八首

黃蜂

藥徑疏畦取次尋粧臺書案巧相侵蚤衙報後風廊靜
故紙鑽來網戶深冒雨翅低歸柳外抱香身重憇花陰
蜜官飽蜜能多少笑汝經營苦用心

溫飛卿稱蜂爲蜜官昌黎詩游蜂多

思正
經營

蝴蝶

鳳子春駒暑號多滕王圖裡錦成窠風流合許花房宿
愛惜從教繡幕過生怕兒曹拈畫扇慣隨女伴曳香羅
仙衣五色誰曾見滿地灰黃捉野蛾

蟬

苓根化就穴荒塍破殼潛隨夜月升

格物總論蟬乘昏夜出土中升高處

對檻吟時風澗忍隔池嘶處樹髣髴身輕欲寡飢偏慣

思去聲苦哀多點未能若向人中論

平聲品格便應清節勝

於陵

蛙

誼謔誰復問官私跳躑終嫌淖卑廢沼草深天雨後

平哇稻滿月明時清泉白石言爲近拖紫紵青分豈宜

鼓吹未成敗笙磬爲渠翻覆詠韓詩

昌黎食蝦蟇詩跳躑雖云高意不離

淖淖又云端能敗笙磬清泉白石本艾子雜說拖紫紵青木下彬蝦蟇賦

蜻蜓

赤衣青弁弄妍姿小苑金籠愛護宜貼水戴飛情款款
舞風勾隊影離離釣絲立處窺人久欄角樓來出院遲
輕矯莫誇醜六足有人圍裡正調飴

梅堯臣詩蜻蜓相戴飛又詩蜻蜓曲

欄角調飴膠絲詩見國策

螢

空庭的皦見宵行

註疏皆以宵行爲夜飛與集傳異

度竹經花個個輕

一點着衣和不熱

幾回入室暗能明隋宮夜迴歡何極

騎省秋深意自驚

潘岳秋興賦云懼耀燦於闕闕

記否齋頭曾照字策

勳應並短燈檠

蜘蛛

資緣到處織虛空
供養饒腸有過蟲
廢館凝塵懸壁壁
荒崖篩雨綴濛濛
成絲才比春蠶拙
何影機同水蠅工
寄語西園採花使
莫爲容易趁香風

蟋蟀

慣依荒砌簇幽莎
切切悽悽意若何
七月篇中名字古

半閒堂裡品流多

賈似道事

暗攬吟蛭群難見
遠和啼蛄聽

易訛又是一番年
歲晏撩人懷抱感
奔梭

寇萊公詩不堪急景似奔梭

讀史記漫成八首

長河爲堦華

去聲

爲城六國平
來帝業成
封岱雄心還祀

海焚書餘燄更銷兵射魚未致蓬瀛藥逐鹿旋看漢楚
爭若悟子孫終二世也應生愧祖龍名

叱咤暗噫蓋世姿陰陵一蹶局全移成名鉅鹿沈船日
失計彭城衣繡時烈炬尙驚秦父老鴻溝難限漢旌旗
長憐撞斗居鄆客獨遣張陳布策奇

三章約法帝王基嫚罵偏於將將宜事起斬蛇天意屬
功成烹狗衆心疑治生何必如劉仲遺恨多應爲戚姬
莫把重瞳頻較量拔山終愧大風詩

烏盡弓藏語果真下齊破趙不謀身保全勲舊非無路
終始功名自有入人事涉陳豨殊曖昧禍同彭越足悲辛

不知鐘室臨危日及憶淮壩舊釣綸

佐漢元勲藹若林舞陽謀略自深沉還軍灞上回天力

驂乘鴻門捧日心不死讒言由曲逆無端嫚語訝淮陰

生乃與喻等爲伍淮陰侯諸史家滕灌聊同傳尙論悠悠直到今

桂觀漸臺切太虛祇因仙者好樓居大農正議鹿皮幣

方士徒留牛腹書始有蠻夷通貢使非無文學待公車

空傳靈爽茂陵道甲馬聲聞風雨餘

欽賢東閣中館名見西京雜記開閣溯前模布被清風未可誣正直

終慙汲長孺文章何似董江都時乖收豕人情熟日暮

漸鴻帝眷殊好與老儒借顏色矜張晚遇慰窮途

典冊高文擅漢初，曲終奏雅未全疎。大人定勝子虛賦，
用西京雜記：夢黃衣翁，命爲大人賦。意封禪何如？諫獵書，援擢竟叨同里。
力優饒，終藉外家餘祇。今蜀客相誇羨，歸路真乘駟馬車。

題臺海見聞錄十首 董司訓天工所輯

雲濤萬里七鯤身，絕島番黎古不賓。一自鳳山呈片石，
雞籠南北盡王臣。

娑娑世界墨洋東，袒裸睢盱譯罕通。風俗書成同應劭，
方言篇出擬揚雄。

識傳銜鼠跋，鯨鯢竝海烽。煙患草雞至，竟蠱沙成底事。

滄波爲血骨山齊

魁斗峰西竹瀝濱
紫纒青塚草仍春
五妃墓比五人墓
愧死同時解甲人

姚公用閒似陳平
反側輸心得敵情
破浪功雖讓橫海
伐謀才自仗長城

靖海平臺第一功
率旗陷陣氣如虹
條侯兩世皆名將
都督他時破賊同

鴨母妖成跳鼠狼
變生肘腋劇蒼黃
滿公多智藍公勇
談笑叢神七日亡

上淡水通下淡水
大岡山轉木岡山
貝花刺竹連村塢

綠樣黃梨遍市間

番外通番百國隣天生屏障護甌閩承平八表無芽孽
綏靖還資捍牧人

漳水畸人藍鹿洲褒衣借箸運軍籌清詩數首春陵並
莫共皇芩草草收

綠筠書屋詩鈔卷二

閩縣 葉觀國 毅菴

瀛洲集

起乾隆辛未迄丙子止

赴吏部恭候宣 旨蒙 恩授官翰林院庶吉

士恭紀二首

詔科殊選重詞林槐省宣麻上宰臨驥驟自宜趨璫闥
菘蘆何意廁華簪芸香心喜窺中秘藜照情仍惜寸陰
月俸優饒廳館麗若爲持報 國恩深

孤生馬磨愧烏衣祖德雖馨祚式微細族得官驚里黨
儒門食報慰庭闈素絲贈憶公孫友故劍貧思季子機

回首雞壇饒俊侶仍攜席帽跨驢歸

上分教館師星齋陳先生三十韻

藝苑文聲舊蓬山物望高奎精垂景曜鳳藻動班曹根
抵詞林茂波瀾學海濤匠心轡龍虎鉅筆掣鯨鰲經義

臨川卓

陳大士
際泰

詩名伯玉豪

陳拾遺
子昂

雅輪扶正軌觚牘

丐餘膏燕許論聲價韓歐接韃纛誌銘銀管重碑版翠

珉牢憶注銓曹籍言乘建水舫未裁尹何錦聊染孟堅

毫

先生成進士以縣令試用入閩時適開局
修輯福建通志上官特留先生編纂志書

志擬華陽

博材揆桂海勞諷賢來鄭琰締友得黃滔盤敦持牛耳

壺觴擘蟹螯有時誇折角寧肯學高尻 特詔徵晁董

交章薦誼褒電流騰驥足風順狂鴻毛 恩渥移蓮燭

名高賜錦袍史才用劉向賦手讓枚臯稽典金根訂司

衡玉尺操披林收杞梓刈楚剔蓬蒿好士開軒閣憐才

感榷槽一長勞眷眷半面致怱怱下里歌曾獻連城譽

竊叨

觀國舊嘗以詩草就正猥蒙許可

櫟樗經斧繼稂莠荷耘薶重喜

龍門接還慙郢匠遭織成非錦段奏罷異雲璆暖谷須
鄒律雕頑要鄭刀望涯怖河漢摩蟲怯旌旄誼許從彭
戴名思托籍翺庶幾弁陋質提唱近風騷

戲和張詹事南華先生四無詩四首

無花

幾番梅雨弄陰晴
焚尾開過鷓鴣鳴
坐久尙餘紅片落
來遲空悵綠陰成
迢迢粧閣尋香夢
寂寂銅餅憶絳英
回首可憐三月節
平泉如錦織流鶯

無酒

醉鄉勲爵信難邀
餅卧空餘水一瓢
把袂客來將底勸
撐腸書在若爲澆
貫錢隣媪成拋別
好事門生久寂寥
記否高陽舊徒侶
觥船波捲話良宵

無米

負從千里念酸辛
况斷晨炊對餽塵
漫意生魚來好語
便思辟穀謝時人
一函空致平原帖
九尺徒愁曼倩身

太息朱門倉庾滿如雲鶩鳴飽陳陳

無薪

破屋含星氣肅然墜樵難拾雨風天價高寸寸如難桂
竈冷時時似禁煙舊日屢屢憐澣婦誰家楫柁倚歌筵
祇緣童子鴻孤峭因熱原堪致一饘

觀太學石鼓

獵碣曾聞響揚敲墨皇親拜戟門坳難分跟肘嘉禾暗
蘇詩詰曲猶能辨跟肘總愛枝柯碧樹交
韓詩珊瑚碧樹交枝柯
又云濯濯嘉禾秀稂莠
歷劫幾經神擁護諸家漫費論紛叟長歌卓犖韓蘇在
欲和能無續尾嘲

重賦石鼓同吳殿撰雲巖鴻沈庶常欽伯棻兩

同年作

壇山嶧山騰墨香岐陽獵碣殊荒涼趨趨奇文世罕覩

誰知神物潛陳倉貞觀詞臣虞褚輩博物好古窮凡將

咨嗟重是史籀筆虹紳瓊樹題評詳唐寶泉述書賦遠則虹紳結絡邈則

瓊樹離披左司韋應物作歌開首唱繼者大筆垂琳瑯徵詞索

義叅雅故咸云鼓出周宣王文曰我車攻馬同其魚鱉

鯉蘩柳楊潘迪音訓云蘩當作蘩包裹承藉之義蘇詩作質恐誤秀弓華勒樂天

子中興威靈馨四方韓蘇諸公無異說貴逾鐘鼎珍珠

璋黃山谷云石鼓文如珪璋特達奈何後儒喜拊擊疑寶開似由歐陽

或指駸忝主羸秦或撫君庶訾偏傍或稱後周宇文物

馬偽劉翰林

馬定國焦明人

之論尤荒唐自從昌黎感涕淚鄭

公餘拂拭移鳳翔子瞻八觀此其一謂與軒頡相頡頏

神霄天子雅好古輦致闕下重整裝填以黃金護以檻

保和殿名稽古閣名增輝煌一朝汴京躡戎馬良歎彈指驚

滄桑圖書彝鼎俱北徙此鼓鼙裹隨橐囊黃金臺畔宜

撫宅幾載傾欹卧雪霜

虞伯生學古錄云石鼓至燕京置在王宣撫家集言於時宰尚

置國子學大成門內若非伯生能寶惜深檐大廈誰收藏歐公集

錄取歷卷四百六十飛鳳凰

梅堯臣句

生蛟斫角龍折股祇

有歲月增損傷楊家何處得善本七百二字羅星芒楊升

庵謂從李文正得唐人拓本凡
七百二字先輩皆斥其虛妄
我向墨莊見舊榻竊願

禮器觀廟堂茲來覲止從所欲
碧樹煥爛東西廂還思
硬黃拓作卷持歸蚤晚朝墨皇

首夏同黃庶常碧溪元吉饒編修霽南學曙何

農部念修逢傳吳殿撰雲巖沈編修欽伯諸同

年遊豐臺

深居意寡歡暫遣幽襟散僉言豐臺好及此夏未半同
年五六人戒轄迨始且邈迤出郭門輾轉循柳岸微風

飄我裾覺與埃塵斷亘路有新流漸車一水亂詩孔疏

流爲亂側聞草橋南水木最清渙玩芳及萬柳帝京景物畧云右安

門外南十里爲草橋又十里爲豐臺元廉右丞之萬柳堂栗院使之玩芳亭要皆在彌望閒然莫詳其處矣

架構稱偉觀往跡邈已湮想像煙蕪畔少焉欵園扉楚

尾春未晏連畦彩錦披被吟晴霞爛似遊芙蓉城未數

爭春館豈期人海裏花海天下冠此地初無臺疑義聊

一難或云遠風遺朱昆田謂是郭氏遠風臺之遺址圖經似可按主人

安在哉有客屢操塲眷言緬先輩遊興殊爛漫探芳趣

高讌卽席洒柔翰當年藉甚名長寐今誰喚而我步後

躡復此聯笑粲花事歲洊新看花人幾換輸與種花翁

時時閒把玩

奉題澄懷八友圖爲少司寇葛山蔡先生賦二

首

澄懷園在圓明園東南隅八友皆上書房供奉諸公葛山先生其一也

高齋重選接匡劉
下直芳園會侶儔
山斗盛名同八顧
文章大業各千秋
地連禁苑風塵隔
人住煙霄雨露優
下界凡夫那許到
披圖真合羨瀛洲

雅集西園作畫傳
散仙那得比天仙
錦鬪鷺渚風蓮綻
練翬鷗莊露月懸
車笠要盟情易隔
雲龍追逐跡難聯
何如晨夕題襟共
比較班僚氣誼偏

奉

命典試河南紀

恩恭賦

癸酉

曉漏趨

丹闕

新恩拜白麻
賓興光

帝治使命寵皇華
河嶽英靈在伊瀝
漆泉誇平生如電

眼莫遣乍籠紗

樂天眼病詩蒙
籠物上一重紗

荆軻故里

博浪椎剛中副車漸離筑擊又成虛沙邱未到扶蘇在
不爲荆卿劍術疎

圓津菴小憩次棠村梁相國韻同編修劉補山

星燁

先生作庵在內

邱縣

蕩節分馳貢士年停車暫憩野橋邊火雲正困長征客
水觀欣逢出定禪一穗碧煙烹茗竈半棚香蔓雨花天
王程牽迫匆匆去擬結歸途一宿緣

呂翁祠

在邱縣治北

似夢浮生我亦知華胥眼底且追隨若論我夢如何味
纔是懵騰著枕時

謁岳忠武祠

在湯陰縣

百戰勲名起翦偕山河雪恥抗孤懷

採用忠武滿敵軍江紅詞中語

膽落紅羅幟將吏心灰金字牌黑獄沉冤叢鬼域覆巢

奇禍到裙釵蕩陰舊里栖霞路

岳墳在西湖之栖霞嶺

遊客經過

灑淚皆

哭亡室郭安人六首

乙亥

一舸新從萬里來合并尙記合昏開

寓宅舊有團圞影夜合一株

對熒煌燭垂隔懷消瀲灩杯豈意竇滔迎婦日翻成潘

岳悼亡哀平生風義兼賓友何但空幃憶玉臺

烏羊遣嫁愧黔婁辛苦牛衣十度秋潔膳奉親分臂釧
寒機佐讀共燈篝飢禽覓食栖常隻霧豹潛光意未酬
竊喜玉珈新耀首可堪中路失鸞儻

散爲覆水聚搏沙月正圓時樹正花心動幾回驚噩夢

歲內余連得惡夢心甚惡之安人亦然識成遺句感瑤華安人從嫂氏學詩亦能成咏然

不欲以示余卒後檢篋笥得寄嫂氏詩一帙中有童子踏青登塵上不堪爲我說清明之句無故作此不祥之

語真不生兒漫意勝王濟嬌女空令似左家安人無子有女二人

屬累敢忘臨訣語親恩未報隔天涯臨終以父母窮老屬託

平生心事托楞嚴一炷名香晚自拈三毒障除憐黥鼠

安人每見人捕鼠輒趨救之余詰其故不答意似以余生年屬鼠也按翻釋名義集貪嗔痴爲三毒

文重護殘緣

每見余焚棄字紙必檢其灰藏之不欲令人踐踏

芳辰客俎蔬親

擷落日寒閨線屢添漫道前頭桓孟在可能容德一身

兼

口脂 恩澤尙逡巡恰見傳柑及蚤春夢燕因緣成破

鏡離鸞災難悔生麟

安人以難處暴卒

玲瓏粉盞香猶在罨畫

羅裙製正新似此風光消未得首行興慶是何人

修短心知數不齊分攜倉卒恨難題療治事急情如鹿

坼副時危命似雞熨體荀家殊暇豫營齋元氏漫酸悽

從今莫話齊牢事超劫惟宜法喜妻

聖武遠揚平定伊犁大功告成恭紀 併序

欽惟

皇上御極以來 德茂洽乎廿載義問宣昭萬邦咸正
是以鋒車西指金川底平緬甸荒陬重譯請貢鬃
首之魁鑱耳之長莫不陸誓水慄回首面內惟準
噶爾負固一隅荷

一聖之威靈旣翦旣夷餘孽未殄迺者逆酋達瓦齊刺
刃於其長天怒人怨厥部爲之靡寧糜沸魚淪舉
踵內跋欵關來歸

皇帝曰準夷倔強不討之日久矣矧踞逃胥爽陷於水

系今書屋言金卷二
火奈何以匪吾赤子勿有以洒澹而生全之於是
命將出師分道並進旄旛所指自瀚海天山以外
戎人挈壺荷箠夾道蛾伏前途倒戈不攻自潰遂
掀穹廬碎輶輶頸溫禺滌瑕盪穢馳電發旬月
之內而伊犁以平昔者漢破單于封狼居胥突厥
入朝唐宗色喜然皆經營以十數年計其所得猶
不償失疇若我

皇之威稜震叠不待血刃遺鏃固已掃穴犁庭圖籍其
壤冠帶其人也爰乃告功

郊

廟望祀山川蓋用彰示寅畏咨聿懷之祐奉懿號於
聖母以極崇致榮然後策勳酬庸行慶施惠與海內酌
允鑠肴樂胥濟濟翼翼戔戔如也臣以爲王師
一舉而五善具焉伐暴救民至仁也底定絕域至
武也上繼

列聖之志至孝也斷自

宸衷至明也啓佑後人爲萬世福至慈也帝王之事
備矣天人之應允昭臣忝備員承明仰觀

鴻烈之懿鑠竊效風人形容揄揚之義謹譔四言
詩一篇凡八百言恭繕以進其詩曰

皇帝纘圖珠囊在理北燮南諧東漸西被有文同文有
軌同軌疇爲不德梗觸綱紀彼蠢者戎曰準噶爾悖我
太陽叢抽棘枳

聖祖徂征親舉 玉趾

憲皇申討屢假鞭弭

皇帝如天覆冒咸以苟附而安羈縻則已天斬戎胙是
生奸宄繫兇如狼繫毒如虺乃磨其牙反噬其首叶餘
怒未浚擺蕩岳海人用不康如瓦斯解昨者有衆叩關
就邸領所部人千百其耦叶願効前驅共殪封兇

皇帝曰都能來何咎叶啖以上褒肥矜醇醢錫之冠帶

細縵文綺汝寒汝襦汝飢汝米汝其止居偕汝妻子迺
差我馬迺趣我侍叶我有虎臣惟

天子使

帝有訐謨天高聽庖批蠟抵隙若螺在指

帝有恩言式訓將士毋暴毋戕綏來乃止二月初吉元
戎爰啓或爲吭搯或爲角犄日麗風和士氣十倍元甲
玕幽絳旗颯躡如以甘霖沃彼焚燬如以衝風偃彼蒼
卉蔥嶺以西流沙萬里灑灑長驅道無牯牝或迂於廬
或後於鄙以酪貯壺以皮實籠朝夕營門偃僕如螳萬
角數牛萬肩數豕借糧於敵堆聚喂囁旣抵伊犁彼狂

魄褫暫脫釜魚終割昧雉按原剔藪滌濯垢滓曰有叛

人

羅布藏丹津

逋逃既久

叶

自遘途窮乞憐搖尾俘之以歸

載路歌凱周逐獫狁薄伐刷恥漢銘燕然勤師累載亦
越後王勝負相倚我師之行不遺一矢軍有餘糧營不
增壘從戰伐來曾莫能比遂落旄頭遂滅旬始偃伯囊
弓包裹矛鎧西戎有言元惡爲匪賴

天子威援我湯火

叶

西戎有言先迷何恃今被

皇化臣僕沒齒區外諸夷貫膺闐耳日域月竈跡所未

履惴惴喁喁望風奔走

叶

稽首

闕庭獻琛納珙

皇帝曰兪朕敢專此惟

祖惟

宗惟我是佑

叶

其告成功假于

廟禰翼翼

興京

王業肇起鬱鬱

珠邱弓劍斯在是妥是侑升香奠醴封域之內嶽神瀆
鬼遍設壇場爛朗瓌偉嗅喻芬馨歆嘉旨百靈晻夢
輸祥貢祉迺朝

慈寧展慶賀禮恭上

徽號瑤冊煥煒遂錄戰功賞賚逾等

叶

錢堆其家帛溢

其廕加秩廷臣榮洽察家勲纓影組羅拜

殿陛煌煌

天詔書以黃紙金鳳是銜華纁旒旒扶杖來觀噎歐失

喜載稽

聖烈超圖越史

皇帝愛民靡閒遐邇孰播其茶徃釐其罪以嫗以煦淪
浹肌髓

皇帝神武雷厲風靡一著戎衣大漠寧救誰圖不靖視
茲尺筮

皇帝大孝繼志述事叶負嶠有寇久稽礎杌覆之一朝
歸者如市

皇帝明斷元功獨宰渺慮熟思審聽深視 廟算旣定
如瀉瓴水

皇帝啓後功規億祀增我式廓王路如砥悉主悉臣永
垂世守

叶小臣

作詩用志麻美

擬古辭

飢不啄腐鼠肉渴不飲烏頭汁烏頭乍可吞腹潰肝摧
嗟何及人生腰領亦足憐蔓菁脆骨難重聯虛全詩脆骨有似春
菁蔓短布單衣可以禦寒蓬頭歷齒聊喜團圞好馬雖云
多不能騎兩匹胡椒八百斛啖用何年畢東隣鶴蓋曉
盈盈博士方裁剝啄行

奉 命典試湖北紀 恩恭賦 丙子

彤闈祇 命拜 恩綸

凡差考官皆於午門宣旨

篤節迢迢指漢

濱三楚舊傳多秀士 九重原爲禮嘉賓

杜詩鄉賦念嘉賓 落

梅擬聽江樓笛 菘竹重尋淇水春

上科典河南試今屢驛傳仍由此地

忝驅馳慚報稱 聊憑佳士答 楓宸

重憩圓津庵疊前韻

蒲褐逢迎記昔年 重來繫馬四楊

寺外橋名 邊浮雲變滅三

生案

癸酉秋憩庵中與主僧藹然上人談良久今再至藹然於去春已滅度維摩經是身如浮雲頃臾變

滅三生石 寶地清涼七祖禪 寂寂軍持披丈室 迢迢堯

圓澤故事

率訊諸天空 令門外風塵客 惆悵松枝半日緣

又次制府問亭方公韻

畏景遷延馬步遲 粥魚正報午齋時 閒看石榻官奴筆

方丈有制府石細咏紗籠幼婦詩自王孟津梁棠村湯西淮張南華諸公皆

刻詩字俱佳
有題澆背半瓶甘露爽當頭一片法雲慈分明戀戀緣

祇樹不覺西廊竹影移

郟城縣宿楊氏亦園地殊幽勝德侍講春齋保

先生有詩次韻奉和

不圖塵鞅裏落眼有滄洲一徑林光合到門暑氣收幽
疑盤谷住清比輞川遊草毯閒眠鹿池奩靜泛鷗煙疎
藤塢晚風細豆棚秋種菊樊長圃看山架小樓本期娛
蠟屐時許駐鳴騶願托羊求侶常因醉月留

西平縣阻雨疊前韻呈春齋先生

玉節停蘭室金風響荻洲
潦深行未得衣濕卸難收
移步真無地孤吟誰與遊
栖檐愁乳雀傍舍浴羣鷗
短句聊排悶涼聲欲賦秋
苔青痕入戶雲黑氣沈樓
屢借主人榻偏羈使者騶
晚看天膜破明發免淹留

宿應山縣有感

踰關愁犖确就館詫喧闐

是日入楚境有官吏來迎

入境欽名縣孤

忠憶曩賢南臺辭切直北寺獄牽連已足當
霆擊何知計瓦全科名真不忝
桑梓亦增妍過客思瞻拜
祠堂何處邊

試竣撤關總督長白碩公巡撫榜阿張公招飲

黃鶴樓卽景呈德春齋先生

黃鶴高樓海內名，雄觀落眼快逢迎。
水兼江漢黏天淨，舟下襄樊掛席平。
旌纛隊中雙使相，笙歌叢裏兩儒生。
千秋絕唱唐賢在，賸欲拈毫句不成。

晴川閣宴集

傑閣層梯逼斗牛，臨風釀酒意悠悠。
落杯翠影漢陽樹，隔岸畫圖黃鶴樓。
割據英雄悲往代，悽涼詞賦憶芳洲。
極知地主招邀意，好向京華詫勝遊。
別武昌時按察吳浚雲先生詩詩致屬到漢陽必須一登晴川閣也

使旋至真定恭聞有督學雲南之命紀

恩口占二首

畢役趨京闕中途好語喧肅恭思對命優渥重承
恩應動親朋喜都非夢想存六龍初轉轡迎
蹕向邊垣

衡文才已忝校士職彌崇不負青衿意先清絳帳風山
川連楚蜀習俗雜蠻戎所喜承文化遐陬演教同

綠筠書屋詩鈔卷三

閩縣 葉觀國 毅菴

滇南集

起乾隆丙子十一月訖已卯十月

相見坡 在鎮遠府

上坡籊浮雲下坡縋井底連岡海濤蹙細路篆文篆前
驅忽後殿左眄招右視行行近一舍望望但十里狀若
鳥在笈跳躑難決起又如船艤風旋轉驚波裏九折坂
盤蛇九曲珠穿蟻備哉造化樞弄此攫搏技 蘇詩偉哉造物真奇
縱攫土搏沙爲此弄 奇觀 去聲 歎未曾畏途念茲始名爲相見坡勞
者妙摹擬

白水舖觀瀑在鎮寧州安莊衛

黃葛村頭白日冥

地有黃葛樹村

北來倦客騶輿停居人語我

此觀瀑樞衣小坐凭虛亭平生萬里詫未見急揩塵眼

雙瞳青不作跳珠灑衣袂不爲春谷喧雷霆瀉油走汞

滑且靜幻此十丈琉璃屏氣蒸巖樹光泃泃寒生肌粟

風泠泠高源屈注來十里尾閭下泄如重溟傳聞潭洞

有潛獸通天角老能通靈巧鉤豪傲竟莫致里言軼事

殊堪聽

其地亦名犀牛潭相傳昔有胡僧覲得犀角以靈芝爲餌坐守兩日夜僧倦假寐芝竟爲犀所

啖僧醒憤悲而死今有墓在潭側國初吳三桂嘗集

人夫以水車拽水就竭望見犀脊忽雷雨大作怒瀑奔注潭水復滿細思物理三歎息世人貴耳闕戶庭此山此水

信竒絕可惜僻在苗蠻壩韓蘇未到倪黃死誰能吟寫
垂圖經嗚呼誰能吟寫垂圖經獨遣香爐鴈蕩名千齡

黔中懷古四首

王龍標

昌齡

少伯負詩名細行或不拔遠謫尉龍標一官何潦倒平
生高與李愁心寄難到生縱旗亭歡死辱間邱暴正字
厄射洪千秋有同悼

王文成

守仁

文成曠代英偉績照青史謫宦落蠻荒天留幸不死草
庵聊自芘瓦豆亦可喜忽於憂患中深悟格物旨遺蹟

綠筠書屋詩鈔卷三

二

寄龍場湖洞亘干祀

鄒忠介

元標

江陵昔奪情怙過摧清議艾沈旣投荒趙吳亦去位鄒
公初筮仕補牘言尤至荷戈安足辭罔懈講學志高名
作黨魁遺教留蠻地

蔡清憲

復一

蔡公本閩產清節雅自許摘辭追韓歐授鉞視方虎昔
定道旣通平越路無阻豈惟鏟茅蘖所至膏苗黍身殲
軍務勞宵卹室終寔

道中口占

緣崖轉谷出層巔巾上青冥尺五天萬疊雲峰千道瀑
數椽茅店一溪烟陰林處處聞啼狖苦霧時時見隨鳶
若使謫僊來此地道難歌不爲西川太白流夜郎未至而返

初至滇中作四首

欽峯度盡得康莊豁眼平彝

入滇第一縣

趁夕陽規外星辰

東井絡天邊郡縣彩雲鄉自王絕域疑莊躡遠祀名山
笑武皇我忝近臣身萬里春明回首隔蒼茫

爨棘遺墟種族多蠻糲春市見婆娑未逢松炬星回節
蚤聽蘆笙月下歌驪樂獻來知奉順龜茲賜後背恩波
於今中外歸

皇化玉斧虛捐大渡河

自到苴蘭客意寬鷄山嵐翠捲簾看雨來龍起滇波立

霜重茅稀瘴地乾幾樹優曇添夜色一杯咂魯節酒節見楊

升庵月節詞歷朝寒信知佛國相鄰竝四序清涼枕簟安

自大從來笑夜郎長蛇啖食幾興亡小邦嶽瀆嗤尋勸

同室戈矛歎段梁段功梁王諸葛威名猶烜赫黔寧家世號

循良三忠祠宇崔嵬在獨恨辜恩老漚狂

春暮遊闕摩山次明人鄧漢壁間韻在澂江府城東俗稱

山華

我聞華山奇螭屐謀已早王侯知我意招邀愜幽討出

郭徑重林越阡涉寒涼未瞻華藏寺名勝先翫東浦好愛

茲萬斛泉因之結棼撩淙淙響哀玉裊裊逗雲島共喜

軟風清不妨微雨冒捫蘿到上頭巖壁翠新掃明湖落

眼底細髮散苧藻經月覩文字皆默鬱襟抱及此風浴

辰春姿幸未老

臨安試院偶作

檐雨晚潺潺開軒喜暫閒草深响町國雲接嶒峨山賞
識驪黃外權衡杪忽聞此方數翹楚莫遣雜榛菅

宿龍泉寺

在建水州曲江驛

翠徑盤迴接上方暮鐘剛動爇爐香安禪龍去空潭淨

礙日松存陣鶴翔

寺下有龍潭後多古松每白雲紫繞其上遙望如鶴爲寺中八景之一

一壑一邱標勝地不巾不韞納微涼客身便似雲遊衲
未許長陪青豆房

海莊

楊升庵僑寓處有碧峽精舍記見集中

碧曉書舍古遷客此周旋滇海憑欄外雞山隱几邊
白頭金齒路淚眼錦城天也似三閭宅停驂一惘然

雨過白崖

凍雨橫斜四面風白崖高嶂落空濛須臾雲斂炊烟起
殘照猶明鐵柱宮

龍首關

羊苴曾紀古山河上下龍關勢業峩秋草堆邊舊京觀
當年生爨恨虔陀

大理雜詠十首

白國名巒太乙齊

漢書云邪龍雲南山似扶風太乙之狀

堆青鋪紫綺窓

西若爲柱杖閒行遍十九峯頭十八溪

天生橋下滙濤瀾三島烟雲望渺漫

洱河有赤文金梭玉几三島何

處高樓憑縱目待看海底轉銀盤

捲地雄風掠面過寒泉千尺落高河夜來一枕秋窻雨
曉看蓮峯積雪多

瑟瑟生金貢不通唐家辛苦事和戎長安天遠梨園斷

愁絕開元老笛工

山川鶴拓古巒陬九姓興亡幾度秋
邏鳳斷碑風雨蝕
誰門猶署五華樓

巒中節物重星回松炬熒熒照酒杯
何不禁烟差減痛

也如寒食弔之推

星回節爲哀首婦阿南殉節自焚而設

阿禧無心坐肉屏平章春夢幾時醒
也應學取韓憑塚

並對西山鐵立青

城北三塔寺後有段功墓肉屏鐵立用阿禧詩中語

掩雉張羅事可悲冤禽填海竟無期
傷心弱女銀臺畔
紅淚多年濕繡旗

久着南冠汗漫遊聊憑著述遣牢愁
光華爲憶簪毫地

寂寞應憐寫韻樓

岫嶺遺碑岳麓頭黃華題刻在中州騷人小試移山手

坐遣瓌奇萬里收

一塔寺禹碑爲楊升菴刻崇聖寺黃華老人詩郡人李元陽摹刻

過天威徑

大理郡城南四十餘里

永安傳國後梁益事蒼黃伺釁夸情動懷奸首計狂七擒知將畧十臉奠嚴疆是處留遺像臨風一炷香

青華洞

在雲南縣

葉鏡湖光翠染裙青華洞近踏沮洳入門便隔紅塵界絕頂應迴紫鳳車滴瀝盡成新石乳縱橫難辨古蟲書千年神鹿何由見斲作清遊亦未虛

永平道中

細路層峰合疑行甕盎中驛通金齒僻封接鐵橋雄古
澗響逾靜秋林凋更紅如何荒墦地陽邁氣熊熊

蘭滄江霽虹橋

百尺繩橋迥飄飄度此身源遙經鹿石

吐蕃山名

流急扼羅

岷問俗罕夸古開疆漢德新飛虹金榜在

宸翰麗高旻

永昌雜詠八首

哀牢舊事託蛇神漢德如天致不賓萬古博南通大道
當年漫怨爲它人

白氎蘭干

後漢書注
撩言紆也

色勝銀光珠虎魄尙方珍不貪遠

物稱廉守共憶張元與鄭純

攻心自本孫吳法戡亂端資管樂才渠帥漫教觀陣勢

遺民猶共拜旗臺

思政殲屠衆意憐夜聞啼鳥爲悽然平添蜀魄千秋案

合遣春林和杜鵑

思政死後有烏夜鳴甚
哀土人呼爲思政烏

法明門外長蒿萊初地曾傳老佛來不獨金川遺恨在

留題也作劫餘灰

相傳法明寺區爲建
文帝所書後燬於火

星橋回首路悠悠流落瀾滄四十秋腸斷金鷄夜郎道

漫饒綾緘到諸酋

斷金白髮一升庵

此地斷金俱白髮
張含寄用脩句

寂寞荒村隔晤談

銅柱鐵城烟雨畔風流何處訪張含

貨別廬分地少塵小南京在古蘭津

俗有小南
京之稱

更添一

事迥然喜鄉語全如白下人

秋日泛舟近華浦二首

青草湖晴水接天白蓮香裏信洄沿分明一段吳淞景

蟹斲漁竿晚照邊

大小鼓前催暮雨金銀稜畔起秋風西園樓館知何處

况問梁王避暑宮

按試廣西府畢歸途過楊林

踏遍巔岬馬不前澄瀾入眼意欣然槐風仍落鷺黃雪

欲訪蘭家何處邊

槐龍細灑鷺黃雪明詩
人蘭廷瑞句蘭居楊林

萬松庵

在蒙化府

迤西固多山往往赤而禿茲庵名萬松蒼然色可掬童
童高蓋偃鬱鬱老鱗蹙天風西北來涼吹動坑谷掀舞
萬蛟螭釵鬢相摩觸卻疑巖壑底破浪駕連舳餘者赴
溪澗盡作十尋蟲俯瞰氣陰森騰拏憂山足安得干蹄
牛捫載出層麓置我軒檻前披襟聽謾謾

大覺寺

在永平縣

亂峰凹處見招提雲樹爲鄰石作梯隔岫遠縈清澗澹

登樓平揖點蒼低三間方丈耆闍崛一部華嚴法喜妻
我愧塵勞叅八解談深不覺日輪西

次呈貢縣作

靈徹詩雄白社間半春家在雪中山南來風雅何人繼

寂寞龍翔水石閒

王阮亭云近日釋子詩以滇南蒼雪爲第一蒼雪呈貢人有南來堂稿次

句卽用其句龍翔呈貢山名

綠筠書屋詩鈔卷四

閩縣 葉觀國 毅庵

瀛洲二集

起乾隆庚辰
訖壬午九月

平西詩二十章有序

臣謹言臣伏見

皇上仁育羣生義征不憚罄天亘地悉土悉臣是以

御極以來定金川羈緬甸收準夷自左右哈薩克東西

布魯特咸仰跂

皇化請吏受職允以德威震疊邇陋者遊源遐濶者

泳沫懷生之類罔不舉踵內面惴惴然以弗奉聲

教爲懼有波羅尼都霍集占者

回部二會名

厥惟回部

之長久在纍係之中我

皇旣奠伊犁憫其困阨出水火而衽席之天函地負

大德難名二會罔識焚頂糜軀戴祝之義顧爲倒

戈反噬黨逆之謀計害我使臣抗拒我徂旅

皇赫斯怒檄累勝之旋軍討么麼之小醜先鋒一接遂

挫其氛旣乃盡抽所有聚以敵我始爲獠噬繼作

狼奔靄震所加罔不焦爛函首萬里懸之藁街西

旅以平 大勲底集計師興以來僅及五載拓地

二萬餘里增戶億兆餘衆

臣謹按諸往牒伊肇自

遂古爰洎後王匪無功君烈辟拓基垂統焜耀於
區寓熙號於無窮方之我

皇亦猶棘林螢耀而與夫榑木燭龍也抑臣聞漢臣司
馬相如之言曰非常之原黎民懼焉唐臣韓愈云
凡此蔡功惟斷乃成茲役也事大而計深儻非

聖謨獨運

睿斷如神烏能奏鴻烈迺景祐若斯之盛且神哉臣職
在珥筆仰覩 麻明竊冀導揚 光烈傳之來許
不敢以文辭謏陋爲嫌謹撰平西詩二十章章十
句恭繕以 進其詩曰

皇纘洪緒綏我萬邦萬邦時久荒裔來同茫茫伊犁旣
翦旣通大宛欵塞肇貢神驄自彼西羗罔不率從一章
有蠢者回鉄勒舊部於準葛爾是屬是附兩和卓木風
櫻厥怒係用徽纆戴盆奚訴誰與生之維我

天子

叶
二章

生之伊何命釋其囚俾復而居仍總其儔戍以師兵爲
之干振汝疆汝牧汝屬汝收垂絕而蘇

帝德孔周

三章

彼回卒狂惟梟伊獍不輸其忱覆迷其性助逆以猖職
爲不靖計戕使臣張設坑阱義愧恩魚斃就釜詠

四章

帝用震怒爰致 天討雨露雖宏不滋毒草桓桓元戎

統軍在道旋師臨之若摧枯槁克其庫車賊鋒斯撓

五章

維虎有穴是踞是盤惟獺有牙是厲是吞驅其子弟以

抗父昆捧土塞河舒臂當轅螳聚烏合千萬其羣

六章

額額回城實遠且堅我師莅止士卒重趼衆寡勢異驟

爲所藩師壯在直終莫我牽築壘相持夜柝朝弦

七章

聖有廟謨神應故妙更番之兵接踵而到大軍合焉戈

甲晃耀夜斫其營羣酋膽掉左剪右屠麋跑兕跳

八章

賊揣不支委衆而逃挈其私人與其橐包所留伯克迓

我于郊餉我軍士椎牛炙羔有簞有壺有酪有醪

九章

皇有恩言如天均覆凡挾于賊既降則宥孰凍予襦孰
餒予糗畊唱于疇牧舞于囿作我臣僕既多且又十章
葉爾奇木哈什哈爾迢迢二城厥壤千里既奄而有爲
我疆畝叶墾之藝之授種定稅拊之宣之同文齊軌十

章一

賊巢雖傾罪人必得天網高張曷施羽翼窮寇勿追斯
言孔惑搏獸于原勿遺我力尾其所歸剔藪按穴十二

惟天有監僭德不祥惟國有憲罪大必當二兇稔禍

卒躡而僵斧斷其元載之以囊是與阿逆阿睦爾撒納同惡

偕亡十三章

長鯨烹矣回旅平矣煌煌我武觀厥成矣我矢我弓我
矛我槍包以虎皮倒載而行笳鼓嚶嚶言歸都京十四
人亦有言多算者勝濬喆惟

皇幾先必鏡萬里戶庭桴鳴鼓應孰瑕可批孰虛可偵
指授 神略將士用 命 十五章

當賊負嶠踣之實艱在廷議者或疑且患觀成則樂慮
始誠難旣建戎公如轉坂丸匪

皇能斷幾失元關 十六章

昔我軍行歲在乙亥洎我凱歸僅涉五載師不及老餉
未告匱悉撫悉綏事半功倍增廓版章屆于方外十七

匪利其疆曰奠其人匪棘其成彼來而親沙雅阿蘇烏
什和闐似爵投叢如蟻慕羶豈繫以力懷我

皇仁 十八章

維

皇克讓歸功于

天惟

祖惟

宗是類是禋遂徧羣神望祀山川馨香明德達於淵泉

聿告功成金簡瑤編 十九章

於鑠

皇圖

列祖是承極熾而豐恢我

帝紘于萬斯年繼繼繩繩橐弓偃伯包匭充庭小臣作

詩用譜太平二十章

爲人題歷朝名繪畫冊八首

冊共二十幅皆無題款收藏者多標

識唐宋以來名家筆蹟細玩之未足憑信然氣韻皆蒼老秀逸亦斷非時下俗手所能爲因擇其尤能者爲題八幅

覓得煙巒遠結廬柴門寂歷樹扶疎多應天乞爲閒客

消受東軒幾架書

王叔明林泉讀書

掛席斜陽背釣津懸厓千仞翠嶂潮頭回處連溟渤

綠筠書畫詩抄

卷四

五

風景分明似富春

趙伯駒江山放船

模糊煙雨闌遙汀米體由來具典型何必南宮親吮墨

奪胎也許到華亭

米海岳夏山欲雨

蒹葭渺渺水茫茫一抹晴霞晚照黃記得此閒曾作客

連桅如薺宿潯陽

文衡山秋江晚泊

小橋流水漱雲根竹屋茅檐別有村一十里中張絳幄

居人疑在武陵源

王叔明桃花書屋

層峰合沓接天台暖翠浮嵐掃不開髣髴此圖親眼見

新從雁蕩杖藜來

黃子久層巒疊翠

雪棧林巒盡似銀瘦驢凍客態殊真雖然未是開元筆

也合右丞隔一塵

王摩詰雪棧驢綱

疎林葉葉噪歸鴉江上無人晚照斜一棹橫波何處去

載將煙月入蘆花

夏珪煙村歸櫂

奉

命典試湖南行次內邱見寓邸有西林鄂

相國詩版依韻追和兼呈孔考功肩吾毓文二

首

離離柳影閒鞭絲踏月聊憑去馬遲客是飲冰偏觸熱
人於塵鞅見清詩垂檐高樹青羅幄隔座圓荷碧玉枝
惆悵不才生較晚追思吐哺禮賢時

寵命頻邀紫閣絲幾回周道騁透遲三湘風物誇千古

九辯才華繼六詩真賞莫辜和氏玉
寒芳難罄桂林枝
儒生報國憑何術賸有丹誠答盛時

信陽道中口占

今朝風景好圻壤近荊州濕翠千峰合
明漪一水流
淮思禹蹟建國溯申侯大復崔嵬在詩人去不留

宿萬年庵次吳荆山宗伯韻

地屬蒲圻縣

野寺隣官驛鐘魚晚梵喧
趁風溪瀨近驚燭樹禽翻秀
句看題壁輪車各紀恩
此心若爲歇除是落空門

佛堂有並

文敏手題歇心處匾額

又次吳雲巖學使韻

不見延陵久分攜忽五年重來過夢澤相望隔湘煙風
雅前賢在湖山我輩偏丙子歲雲巖典湖南試余亦繼至湖北今雲巖又爲湖南學使
預期公事畢詩酒續歡緣

臨湘道中卽景疊喧字韻

清絕湘濱地稀逢車馬喧浦帆雲葉度溪碓口輪翻淳
樸田家俗昇平

聖主恩老農晚無事相對話柴門

道上觀穫再疊喧字韻

紫稻臨秋熟新晴刈獲喧霜鎌聲窸窣風笠影翩翻滯
穗憚鰥利餘糧鼠雀恩如雲歸壓擔稚子各迎門

岳陽樓集范文正公記十韻呈孔考功有引

庚辰七月晦抵巴陵寓岳陽樓明日天雨未行得飽觀洞庭之勝吟興勃然循覽樓中惟廳屏錄范文正公記一通而曾無留題之作詎非以唐賢絕唱在前恐貽續貂之誚故耶既思作誠不可述則無妨因綴緝范記中語得句十韻用破閒寂亦猶坡公集淵明歸去來辭之意云爾

巴陵標勝狀浩浩洞庭湖巫峽雲巒杳瀟湘煙水紆際涯南北斷氣象萬千殊未覩朝暉麗偏逢霽雨濡潛形山岳隱排浪檝檣孤岸芷青青遍沙鷗點點鋪譏讒前

代有悲感 盛時無忘寵心何敢懷鄉意或俱漁歌聲
近檻猿嘯日將晡把酒洋洋喜人和况可娛

謁屈賈二公像

長沙城內有屈賈二公
祠主司初至皆寓於此

楚國左徒賓客重洛陽才子古今誇離騷經出兼風雅
痛哭書陳策國家憲令動勦看屬草公卿任遇待宜麻
服奇易啓椒蘭忌年少難禁絳灌譁悵望靈修吟澤畔
恭承嘉惠到長沙舉蘭意恐年華晏賦鵬心驚日晷斜
虺戴九頭悲下土驥垂雙耳感鹽車羅江竟踐彭咸則
宣室空聞漢帝嗟大抵獨醒人所嫉其如爲傳事偏差
龍門屈賈原同傳合食真宜對楚芭

謁蔡忠毅祠二首

公諱道憲晉江人
祠在長沙城內

赤麋烽火逼湖湘大纛高牙各遠颺
築室議難諧戰守事具明史本傳嬰城身與共存亡
料平聲兵余帥才精練罵賊顏
公意激昂悵望醴陵收骨處長留浩氣正綱常

閭閻共識蔡青天循吏無慙兩漢編
虞詡平生能辦賊

胡威風節不名錢先幾屢感忠魂夢

公嘗夢與文文山
對榻又夢與李芾

談城守事殉死還誇下隸賢

隸卒林國俊等
九人從公死

我忝鄉人深仰

止欣瞻遺像薦香荃

蒙 恩陞授贊善恭紀

望苑清華職詞垣拔擢階資深凋墨綬官轉換牙牌班

直銅樓暇銜兼玉署佳 恩榮到孤仄相賀愧朋儕

讀後漢書漫成三首

炎靈邁陽九郤賊窺漢圖豪傑起關東捲土連兵符二
袁藉世業堅瓚亦健夫元兇既授首倒戈還相屠何曾
見一旅東向洛陽都當時問鼎心詎獨在當塗斤斤抱
臣節蓋壤一劉虞

東京尊處士士議亦饒謹八顧復八厨月且如翻瀾揚
眉論世事鼎軸爭交歡不知十常侍銜恨連心肝牢脩
書旣上張儉章復刊同部三百人玉石俱焚燔哀哉范
李輩不及申屠蟠

孟堅三輔豪妍文鸞龍虎季長邃六經臯比擬鄒魯文
若識權變籌策侔何禹伯喈曠代英博覽達今古吁嗟
數子才藹藹鸞鳳羽奈何事匪人間識等矇瞶一死抵
鴻毛多材竟何取

讀明史二首

一網謀成正類傷銀鑰葦笥道相望西臺抵死攻高趙
東廠椎心恨左楊豈有魔神依土木居然萋斐織文章
當頭委鬼雖兇毒搏噬還憑衆虎狼

門戶甘陵黨部稠雀喧祗爲稻粱謀已看楚浙成冰炭
更恠宣宣崑崑崑山接盾矛水火爭來薪就燼元黃戰罷國

同休可憐滄海橫流日共濟誰懲風浪舟

何烈婦詩

烈婦庚午孝廉齊潮妻孝廉自臺灣歸遭風沈沒烈婦聞計即日自縊死

魚腹沈寃戚友傷雉經高義里閭光定知死恨公無渡
那忍生稱人未亡碧海青天俱淨土燕山閩水隔他鄉
幽魂多恐爲精衛銜石填流憤怨長

壬午順天鄉闈分校次明尙書王文肅韻

突厦重垣棘影深長空如洗桂華臨賓興區服分英簪
首善人材比鄧林吐鳳雕龍思乙乙披沙汰石意沈沈
不才忝與司衡數入聲揆剔曾枯一寸心